

तुबारि संपादकीय
टीम

◆अस इ उम्मीद करूं लगो
से कि एण बाड़े दिन
अन्तर सुआ मेहणु इस कम
अन्तर सहयोग कते।

◆इस तुबारि मासिक पत्रिका
समाचार पत्र एकट अन्तर
रिजिस्ट्रि नेई भो। सिर्फ पांगि
घाटि अन्तर पहुँ जे इ पत्रिका
शुरु कियो सि।

◆तुबारि एक अवाणिज्यिक
पत्रिका भो।

◆तुबारि पत्रिका कोड मेहणु,
जनजाति, त संस्कृति गलित
कट्टेण जे नेई छपाण लगो। अगर
कोड ई सोचता बि त अस
जिम्मेवार नेई।

◆छपाणे पेहले सोभ आर्टिकल
हुई टाई पांगेई मेहणु हुरालो
असे। इ त खुलि बोक असि कि
पेहिल बार पांगवाड़ी लिखणे
सुआ मुश्किल भुन्ति त गलति
बि भुन्ति। अगर कोड लिखणे
गलति असि त असि जे जरूर
बोले। त अस तसे होरे संस्करण
पुठ ठीक करणे कोशिश कते।

◆आर्टिकल्स ना मिले, या
घाटि मेहणु के मदद ना मिले
त तुबारि पत्रिका कदि बि बंद
भुई सकति।

◆कोड चिज छपां सि या नेई
छपां जे तुबारि संपादकीय टीम
पुरा अधिकार असा।

◆अस किलाड़ केन्द्रीय
पुस्तकालय, त बजार राखे ठेके
भैड हरिरामे दुकान अन्तर
तुबारि ड्रॉप बॉक्स पुठ बि अपुं
सझाव ओर आर्टिकल्स रखुं जे
सुविधा कियो असि।

◆अस सोभि पांगि
मेहणु जे हात जोड़ कई
निवेदन कते कि, तुस
बि कोड अछा आर्टिकल,
पुराणि या नौई कथा,
कहावत, कविता, त
नौवे घीत (पांगवाड़ी
अन्तर) लिख कइ छपां
जे हेंनदे दिए।

तुबारि संपादकीय टीम


9418431531

9418429574

9418329200

9418411199

9418411599





‘तकड़े असे ना’

तुबारि संपादकीय टीम कनारा सोभि तुबारि

पढ़णे बाड़ी, लेखक त दुकानदारी के

मदत जे धन्यवाद।

‘पंगेई सोभि मेहणु जे जकारु बधे।’



अबादी पुठ दिए ध्यान

मोनिका, क्लास छठी, चौकी गां

से दन बि थिए कत टियारे,
अब बगि बणे घर,
सोभि घरि थी सुख-शांती,
केहि मगेंई रेहंती खाली,
जगाई-जगाई सुआ हुसड़ा असा,
रोज भुण लगो असी लूटमार,
कोठि-कोठि हेरे डक्का-मुक्की,
मीलों-मील असा जाम लग गओ,
कठा जे परिवार रेहंता,
मेहणु मीण जे टेम मेता,
मेहंगाई बेरोजगारी भो,
स्वार्थ छुड़कान्ता सोभि के हक,
बधती अबादी ए भींथ फल।

दूर-दूर तक थिए हैं बग नीले-नीले,
ए बधती अबादी फल,
सोभि के मुंह पुठ थी ललियार,
खाली रेहि गए बग बघुई।
मेहणु-मेहणु पुठ सुवार असा,
मुल सोब भोड़ गए तार-तार।
अराम जोड़ जिणा गा मुखि,
खाली ठहर कोठि नजर नेई अओ,
सुखी त स्वस्थ घरवार रेहंता,
सोभि एक बराबर हक मेता,
भ्रष्टाचार महामारी भो,
सच्चाई ना रेहि कोई बोक,
चौकी मोनिका ए भीन्थ बोल।



गोल्फ खेलणे चस्का

कार्तिक ठाकुर, दशमी क्लास, चौकी गां,

यक गां थिउ। तठि शांता सिंह नउए यक मेहणु त तसे जुएली थिए।
शांता सिंह गोल्फ खेलने शौकीन थिया। से हर एतवारे भ्यागे ई गोल्फ खेलण
जे घेन्ताथ त जाई कइ ब्यादि एन्ताथ। से सुआ साल केआं गोल्फ खेलताथ।

इस एतवारे से खड़िया त हेरु कि बहरी जोरि मेघे लगो असी। त सुआ
बियार बि लगो असी। से चेरे तक बराने इस उम्मीद अन्तर खाखड़ बिशा कि
मेघे टुटिएल। पर मेघे त रुकणे नऊ बि न थियु नियो। तउं से अन्तर एई गा। तसे जुएली अपल
तकर उंघोरि थी। से फिर मठे बछाण अन्तर घेई गा। बछाण अन्तर घेई कइ अपु जुएली कन पतूं
मठे बोलुण लगा, “आज सुआ मेघे लगो असी। ई लगुतु जी हड़ अओ असु।” तसे जुएली उंघोरे
जवाब दुतु, “ई मेघ अन्तर बि में बेबकूफ धाणि गोल्फ खेलण जे गओ असा।”



मेहना	देशी तरीख	तिहार	अंग्रेजी तरीख	वार
माघ	26	सल्ह	8 फरवरी	सुमार
माघ	27	पड़ीद	9 फरवरी	मंगे
माघ	28	दुवलऊ पनेही	10 फरवरी	बुध
माघ	29	टियलऊ पनेही	11 फरवरी	लेसपत
माघ	30	चुअलऊ	12 फरवरी	शुकर
फोगुण	01	पनेही	13 फरवरी	शणेचर
फोगुण	02	टकोसु उयाण	14 फरवरी	ऐतवार
फोगुण	03	बकरीयाठ	15 फरवरी	सुमार
फोगुण	04	बटुडु	16 फरवरी	मंगे
फोगुण	05	टुओठ; शीते बुढी पुटिन्ती - गडे छल बिशित	17 फरवरी	बुध
फोगुण	06	नागे उयाण; शीते बुढी - देउई बिशित	18 फरवरी	लेसपत
फोगुण	07	राजे उयाण; शीते बुढी - चुलोसरु नाग बिशित	19 फरवरी	शुकर
फोगुण	08	टजे उयाण; शीते बुढी - करेल सिदयाली	20 फरवरी	शणेचर
फोगुण	09	सुआंग; भराइरथ बुढी - कंगराडु	21 फरवरी	ऐतवार
फोगुण	10	दण पड़जु; शीते बुढी - महादेवे	22 फरवरी	सुमार
फोगुण	11	शीते बुढी - मेटिन भोज ,	23 फरवरी	मंगे
फोगुण	12	शीते बुढी - उतुरुणी, बुन्हि परमस	24 फरवरी	बुध
फोगुण	13	शीते बुढी - खनावेद	25 फरवरी	लेसपत
फोगुण	14	शीते बुढी - सैरी कोट	26 फरवरी	शुकर
फोगुण	15	शीते बुढी - मराइन भोज	27 फरवरी	शणेचर
फोगुण	16	शीते बुढी - गुजराइ	28 फरवरी	ऐतवार

मैडम चिंटु जे

रोहित ठाकुर चौकी

यक रोज ई एन्ता कि धरती पुठ पुओणी बि न रेहंतु। सोब जीव खत्म भोई घेन्ते, धरती तवाह भोई घेन्ती।



मैडमजी, तिएस बि टियुशन पदु जे एण ना?

ADVERTISEMENT/ BEST WISHES FOR MARRIAGES, BIRTHDAYS, RETIREMENTS Etc. Please 9418429574

सोभि पंगेई मेहणु के छने -अरे कते हियुंत मेहना लगो असा त सुआ ठन्यारी असी। तिहार बि लगो असे त सुआ अराख न पिए। अपु कुई-चीड़ी त सकि नति जोइ तिहार मनाए। सुआ अराख पी कइ अपु सेहद खराब न करें।

